

7. Gwir zikour ar gristenien,
Ken pur hag an eien,
C'houi ar gaera sklerijenn
Dalc'hmat en hor c'hichenn !
Sturiit hor bag en argol
A-dreuz an avel foll,
'Vel eun tour-tan lugernus
Betek ar porz eurus !

8. Pa zeuy Doue d'hor gervel
E vo ret d'eomp mervel !
Ma 'z omp fidel d'eoc'h, Gwerc'hez,
M'hor bezo tamm enkreuz !
C'houi hon hentcho gant dousder :
Ha da vont d'Hor Zalver,
Tud an Argoat, an Arvor,
A gavo dor-zigor !

Y. Geleoc


IMPRIMATUR :

Quimper, le 29 Août 1951.

M. HERVÉ, v. g.

KANTIG

Itron Varia Treminou



DISKAN :

*Itron Varia Treminou,
Deuit, mar plij, d'hor selaou !!
Gwerc'hez roit d'eomp ho skoazell,
Taolit warnomp eur zell !
Mirit hor Feiz, hor yec'hed,
Ha grit d'eomp holl kerzet,
Sikouret gant ho krasou
Eün war hent an Nervou !*

1. Mamm, setu ho pugale,
Dizroet adarre,
A greiz-kalon d'ho pedi
Leun a fizians, Mari !
Dre ho torn madeleuz
E skuilh Ho Mab Jezuz
Bepred e vadoberiou
War an holl eneou.
2. Gwerc'hez santel, Treminou,
C'houi Mamm an holl grasou,
Diwallit hon holl vadou
Evel re hon Tadou !
Ma veulimp dreizo Doue
Ha c'houi ive goude,
C'houi ar vamm a drugarez
Ha c'houi hor Rouanez !
3. Pellait diouzomp ar pec'hed,
Pe ma 'z omp bet kouezet,
Aspedit ho mab Jezuz
Ma vo trugarezus.

Ni a oar re vat eun dra.
Dreizomp n'hellomp netra !
Met gant ho sikour, Gwerc'hez
'Vezo puilh hor buhez !

4. Ni 'ra eur goulenn ouzoc'h :
Mirit ar re 'garoc'h.
Hag hor Bro ho kar, Gwerc'hez,
Gant he mor, he glasvez.
Diwallit ar pesketour,
Benniget e labour !
Roit d'al labourer-douar
Dervezioù hep glac'har.
5. War Plomeur beilhit bemdez !
Lakit unvaniez,
Lakit ive karantez
Etre tud ar barrez,
Ma vo enni kaer beva,
Morse lec'h da grena,
Ma veulo an holl Doue
Gant doujans, levene !
6. Ne drugare kaomp morse
Awalc'h ho madele :
N'ehanit na deiz na noz
Da rei d'eomp ho pennoz !
En hor joa, 'n'hon ankeniou
Prest ato d'hor selaou ;
Ho meuli 'zo dereat :
Trugarez, Gwerc'hez vat !